

# Thysanoptera tria mediterranea

descripsit

O. M. Reuter.

---

Fam. **Tubulifera** Hal.

**Compothrips** nov. gen.

Caput latitudine multo longius, postice distincte tumidum, apicem versus attenuatum, lateribus muticum. Antennae capite paullulum longiores, articulo tertio longo. Rostrum breve, apice obtuso. Pronotum basin versus dilatatum, basi capite latiore. Mesonotum brevissimum, angulis basalibus dentato-prominulis. Alae formae hactenus cognitae nullae. Abdomen oblongo-ovale, dorso utrinque longitrorsum impresso, lateribus solum apicem versus pilis tenuissimis exsertis; tubo anali segmentis duobus praecedentibus aequae longo. Femora antice incrassata, intermedia reliquis breviora. Tarsi antici maris articulo primo intrinsicus valide dentato-producto.

**Compothrips albosignata** Reut.

Nigra, nitida, margine apicali metanoti fasciaque basali segmenti primi dorsalis abdominis ad angulos retrorsum dilatata nec non macula laterali triangulari segmenti quinti dorsalis abdominis albis; antennis articulo tertio, ipso apice excepto, quarto ultra medium basique quinti albido-

flaventibus; tarsi basi obscure ferrugineis; capite latitudine postoculari circiter duplo et dimidio vel fere  $2\frac{2}{3}$  longiore, apice quam basi circiter  $\frac{1}{4}$  angustiore, spatio interoculari oculo nonnihil latiore, parte anteriore plana, posteriore superne et inferne sat convexa, lateribus setulis tribus; antennis articulis primo et secundo aequae longis, tertio tribus sequentibus simul sumtis parum brevior, quarto obconico tertio circiter duplo brevior, quinto breviter obconico quarto  $\frac{1}{3}$  brevior, sexto quinto paullo brevior, duobus ultimis simul sumtis sexto longitudine aequalibus; pronoto capite fere duplo brevior; tubo anali capite saltem duplo brevior. Long. ♂ ♀  $3-3\frac{2}{5}$  mm.

*Syn.*: *Phloeothrips albosignata* Reut., Rev. d'Ent. III, p. 290! Costa, Geofauna sarda IV, p. 12. Uzel, Monogr. Thys., pag. 271, 134.

Patria: Gallia meridionalis (Cassis!), comm. D. Dr Putton; Sardinia, D. Prof. Costa; Algeria (Tlemcen!), D. Mar-mottan; Tunisia (Zaguan!), D. Prof. J. Sahlberg.

### **Megalothrips longiceps n. sp.**

Linearis, angustissima, nigra, nitida; antennis articulo tertio toto, quarto apice excepto extremaeque basi quinti nec non tarsi pallide flavo-testaceis, femoribus tibiisque totis nigris; capite latitudine triplo longiore, ante oculos levissime coarctato, spatio interoculari oculo distincte latiore; antennis articulo secundo primo distincte brevior et angustior, tertio duobus sequentibus paullo longior, quarto tertio  $\frac{2}{5}$  brevior, obconico, quinto quarto circiter  $\frac{1}{3}$  brevior, sexto quinto paululum brevior, duobus ultimis simul sumtis sexto paullo longioribus; pronoto capite duplo brevior; abdomine maris segmento sexto dorsali utrinque ante apicem spina longa horizontali retrorsum vergente apice acuminata et levissime decurvata armato, segmentis ultimis in tubum longum productis, septimo et octavo subquadratis, segmento septimo dorsali utrinque ante apicem dente

prominente armato, octavo mutico; tubo anali capite saltem duplo brevior. Long. ♂ 4 mm.

Patria: Corfu!, D. Prof. J. Sahlberg, duo specimina aptera.

### **Cryptothrips flavipes n. sp.**

Elongata, nigra, nitida; antennis fuscis, articulis duobus basalibus nigris, tertio toto,  $\frac{2}{3}$  basalibus quarti basique quinti anguste nec non pedibus totis pallide flavo-testaceis; capite latitudine  $\frac{4}{3}$  longiore, lateribus subparallelo, solum extrema basi omnium levissime coarctato, spatio interoculari oculo fere duplo latiore; antennis capite paullo longioribus, articulo secundo primo aequae longo sed paullo graciliore, tertio secundo circiter duplo longiore, apicem versus sensim sat incrassato, quarto secundo circiter  $\frac{1}{5}$  brevior, quinto quarto paullo brevior, sexto quinto parum brevior, duobus ultimis simul sumtis sexto paullo longioribus; pronoto capite fere duplo brevior, transversim fortius sulcato; abdomine elongato, tubo anali capite paullo magis quam  $\frac{1}{4}$  brevior. Long. ♀  $2\frac{3}{4}$  mm.

Patria: Creta (Canea!), D. Prof. J. Sahlberg, specimina duo aptera.

*Cr. icaro* Uzel var. *pallipedi* Uzel colore antennarum et pedum similis, capite longo, retrorsum haud angustato, pronoto capite fere duplo brevior tuboque anali hoc paullo magis quam  $\frac{1}{4}$  brevior mox distinguenda.

